

۳ جمادی الاول ۱۳۳۱

نخستین

۲۸ مارت ۱۳۲۹

نومرو ۲۰ — ۲۴

نسخه سی ۲۰ پاره در



امور اداره و تحریر و اعلانات و سائرہ ایچون مدیر
مسئولہ سراجعت ایدملیدر .

ایونه سی بر سنه لك اعتباریله ممالك عثمانیه ایچون
اون بش و ممالك اجنیه ایچون ۲۰ فروشدر .

صرفای امك مقالات منصوفانه لرینه جریده
صوفیه نك صحیفه لری آچبقدر .

عمل اداره باب عالی جوارنده ابوالسمود جاده سنده
نجم استقبال مطبعه سی

شمذیلک اون بش کونده بر نشر اولنور

تصوفی ، دینی اخلاقی ، سیاسی جریده اسلامیه در

مسلمانلارک جهادی و فضیلتلری

جهاد . — مشقت چکړه دشمنله پخپلشوب چارېشودن
عبادتدركه بوندن مقصد اصلی اسلامه یارېم ایتک و اللهک
امرلری یرینه کتیرمکدر .

پیغمبرمن فخر عالم صلی الله علیه وسلم افندمن حضرتلری
مکه مکرمه اېکن دین دشمنلریله جنکه مأذون اولیوب مدینه
منوره به هجرتدن سوکره جهاده جناب حق طرفندن مأمور
اولدیلر . اېشته او وقتدن بری جهاد امت محمد زماڼ و حاله
و موقعه کوره بش وقت نماز کي فرض عین ویا جنازه نمازی
کي فرض کفایه ویا بارام نمازی کي واجب اولور .

مذهبمن امامی ابو حنیفه امام اعظم افندمنه کوره حاجت
من ایدنجه به قدر تأخیر اولونه بیایر . . شو حالده فرط مشقتی
مستلزم اولان جهاد امت محمد فرض و واجب اولنجه مقتضای
طبیع بشر بهضارینک نفسارینه خوش کوروغمه مش اولدیفندن
واجب تمالی حضرتلری ترجمه سی آشاغیده ۱۵۰ رفیله کوستریان
بر آیت کریمه ایلر بو حرب یوزندن انسانره پک بیوک حکمت
و منفعت کوسترمشدر .

۱ — آیت کریمه مالی

« ای امت محمد هر نه قدر خوشکزه کلز وچیرکین
کورینورسده قتال سزه فرض اولدی . حالوکه طبعکیزک نفرت
ایده چکی بر شی حقکیزده خیرلو اوله بیله چکی کي خوشکزه
کیدن شی دخی سزک ایچون فنا و شر اوله بیلیر مولای متعال
حضرتلری هر شیئک کنه و حقیقتی بیایوب سز انی ادراک
ایده مزسکیز . » اعتقاد پاک اسلامه کوره قیامته قدر حکمی باقی
اولان اشبو ایت جلیله حکم عالیه سینه تبعیت شرفنه نائلتله دین
امورنده مسلمانانفساریلر طبیعتلری طریق سلامت رفیق شرع
انوردن آیرمیوب اوخصوصات جلیله دینه بی خوش کورملری
و هراشی جان و کولکدن جناب حقه تفویض و توکل ایدوب
فرض و واجب اولان جهادک حکمت جلیله سی وجهله اثر جلیل
حضرت پیغمبر دیشانه تطبیق حرکته چالشملری الزمدر .

بدايت اسلامده پیغمبر هر سینه حج موسمنده مکناک خارجه
جیقوب عقبه دینان موقع یقیننده طشره دن کلنلری دین اسلامه
دعوت ایدرکن بر سینه مدینه اهالیسندن آتی ذات کله رک دین
محمدی بی قبول ایدوب عودتلرنده مسلمانلر زیاده لندی . ایرتسی
سینه یعنی نبوت محمدیه نک اون اوچنچ سینه سی موسم حجده سینه
عقبه مدینه نک اوس و خرزج قبیله لرندن واهل اسلامدن یتش
اوج ارکک وایبی قادین کله رک بی محترم صلی الله علیه وسلم
افندیمزله بولشدیلر . ورسول اکرمک مدینه به هجرت بیورملری
خصوصی سوبلشدیلر . رسول اکرم آنلره نفسارینی و اولاد

عیالاری نی نصل صاقینورلر سه کندوسنی دخی اولوجه ایلر محافظه
تعمد ایتلری و بونک اوزرینه تبعیت ایتلری تکلیف بیوردی .
آنلر دوشوندیلر . ایچلرندن عبدالله بی رواحه یار رسول الله سنک
اوغرنده جان و یرسک بزه نه وار دیدی . رسول اکرم جهنته
بیورنجه هپسی قالفوب ال اوپه رک تبعیت ایتدیلر . جان و یروب
جهنت الدیار و پک خیرلو آلیش و یریش ایتدیلر . حضرت عبدالله
دین یولنده پک چوق خدمتار ایتدکن سوکره شام جهنتده
روملرله وقوعه کان موته محاربه سنده سنجدار ایتکن رتبه شهادته
نائلتله واصل رحمت رحمن اولدی . وحقلرنده زیرده ترجمه سی
یازیلان ایت جلیله ایتدی . « رضی الله عنه »

۲ — آیت کریمه مالی

« حق یولنده نفسارینی فدا و مالاری بذل و اتفاق ایدن
مؤمنلره فضل و کرمدن جناب الله جهنت و یرر . چونکه آنلر
محاربه ایدوب دین دشمنلری قتل ایده کلدکلی کي کندولری
دین اوغورینه قتل اولونورلر . تورات و انجیل و قرآن کریمه
اولدینی وجهله آنلره جهنت و یریلر .

« عهد وفا خصوصنده و جهادده ثابت قدم اولانلره تبشیر
ایدیکرکه کندولرله ایتش اولدیفکنز بیع و شرادن طولای فوز
عظیمه نائل اولورلر . چونکه آنلر شرک و نفاقدن توبه ایدوب
خالوص عبادت و طاعت ونم الهیه قدرینی بیایوب حد ایدرلر ،
فرائضده و رکوع و سجودده ثبات کوستروب عالمی ابو یوله
سوق و فنا یولدن منع و حدود قوانین الهی بی محافظه ایلرلرکه
بو مؤمن کاملاره یا محمد جتنه دخولی تبشیر ایدیکر . » و تورات
شریفده دخی پیغمبرمن صلی الله علیه وسلم افندیمزک و امت محمدک
مدحاری حقنده شو مآلده بر فقره موخوددر .

۳ — فقره شریفه

« حضرت محمد صلی الله علیه وسلم دشمنلره محاربه به مأمور
و الله طرفندن مؤید و منصور پیغمبر دیشاندن دین دشمنلریله
اوغراشمنق شدتدن مبارک کوزلری کل کي قزارر . وامت اوپله
بر امتدکه کتابلری اولان قرآن عظیم الشان قبلرنده محفوظ و
قلیچار بیونده اصیلمش اولدینی حالده حرب حاضر بولنورلر . »

۴ — آیت کریمه مالی

ای اهل ایمان سزی بر تجارتنه سوق ایدیم که اکا سلوک ایلر
عقوبتدن خلاص اولورسکیز اوده الله و رسولنه ایمان ایدک
مالاً و دیناً حق یولنده جهاد ایتکیزدر . اگر فرقنده اېسه کز
بوخصوص حقکیزده خیرلودر . چونکه واجب متعال حضرتلری
جهاد سبیلر کنه ایلر کزی مغفرت ایدوب آلتلرندن ارمافلر آقان
جنتلره و جنات عدنده مزین مسکینره ادخال ایدرکه اصل فوز
عظیم و نعمت دائم بودر . محبت ایدوب نائلتینی نمی ایتدیککیز اشبو
نعمتارندن باشقه دشمنلرکزه غلبه ایچون نصرت و قریباً فتوحه

نائيت احسان بويرر اشته بو نعمتارله مظفريتلى يا محمد امتكزه
تبشير ايدىكز .

۵ . — حديث شريف مالى

« مؤمن حق يولنده جان ومالى فدا ايدىرك جهاد ايدىر . »

۶ . — حديث شريف مالى

الله يولنده ودين اغورنده محاربه ايدىرك اجرنى انجق مولا
بيلير . نافله اوروج طومتق و نماز قيلمق ثوابلى مجاهده و بربيلير .
اثنائى محاربه ده وفات ايدىرك اولورسه الله تعالى فضل و كرميله انى جنته
قويغى تمهد بيورمشدر . عمرى وارسه غازى اوله رق پك چوق
غنيمت و ثواب ايله صاغ و سالم آنى اوبنه دوندورر .

۷ . — حديث شريف مالى

« جناب الله فى آخر زمانده سيف ايله پيغمبر كوندردى .
وجهاده مأمور بيوردى . ورزقى مزارعك آلتنده و كوليكه سنده
تقدير ايلدى . بكا اوبىانلىرى خور و حقير و درلو درلو ضررلر
كرفتار ايدىر كندوسنى بر قومه بكزده دن كشى آنلردن صابيلور .

الحاج حافظ داود

اكتيپات

غزل

اى كوكل آلدانمه حقدن غيرى دشاندر سكا
صحت نهى و وحدت عين احساندر سكا
ايرمين سر منزل توحيد بيلمز كذبسين
اول و آخر رفيق خاص قرأندر سكا
سن بشرىك بوالبشردن آل امانت درسنى
حاكم نفس اول همان هر مشكل آساندر سكا
صورتك مرآت سیرتدر كوزك بر آجده باق
هر نه وارسه عالم هستيده حيراندر سكا
وبرمه رخصت كيرمكه شيطان بهشت قلبكه
سن شه باغ هدايتك بو خيراندر سكا
ملاك تاج كرامتك ، مكرمك زهى
نص قاطمه مؤيد سنانكه برهاندر سكا
باش قوبوب باب نوكلدن صافين آرمه هيچ
امر حظه قدسيان هر دم نكهباندر سكا

اسماعيل حقى

كليات ابن الرحى دن :

ادبى باغچلر :

عدد
۵۴

« دنيا » نديمكدر ؟

دنيا — يا بر كوكبه اعتلادر . اهل احتشامك رؤس
طوالنه طوغار ، ويا بر سجر ابتلادر اهل ذوق عشق فتنه
انگيزيله اويالار .

دنيا — آجى ، ظلم ، فساد كى ليتميه دايما بر زمين وسيع ،
بر ساحه اجرا احضار ايدىر .

دنيا — حريصاره شمائل اقبالى ، عارفاره رخ اجلالنى
كوسترر ، عزيمى هزيمه ، عزى ذله ، عظمى هزاله چويرر .

دنيا — ر جابر قاهر در ، هيچ بر جائر آكا انفاذ جبر
ايدىر ، بر باكر ساهر در بيهيچ بر صاحب جمال اظهار مكر
وخده ايله مز .

دنيا — جرائكار روحار ، خرچين فكرلر ، ناقص عاملارى
سدره عز ورفاهه ايصال ايدىر ، مستثنا وجودلر ، نزيه قلبلر ،
عازم دماغلى سيف انتقامك لمعات خون آشامى او كنده اكر ،
آنلردن كام آليز .

دنيا — بر سراب لامعدركه پارلاقيله بالجله حسيانى سيد ،
او صورته وجدانلره حلول ايدىر .

دنيا — يالكز اهل سكون و تواضع او كنده ديز چوكر ،
اعتراف ذات ايدىر .

دنيا — وضيمه حاض ، رفيقه هاجم خادع ، غيوره عاقم ،
عاطله خادمدر .

دنيا — قنطره عبرت مزرعه محنتدر . او قنطره دن كچن
كاشانه حيرته واصل ، او محنتى اكن سنبلستان جذب و جاله
نائيل اولور .

دنيا — موجوده نشان موجوده برهاندر .

دنيا — دارالتوحيددر . درس وحدت ، نوای توحيد
آنجق بوراده تحصيل اولنور . ده قصاده رحله وحدت او كنده
نشيه باب اوله ميان عقبا ده زلال حقيقتدن حصه مند اوله مز .

دنيا — كاللار كاللى بوراده اكل ، عادلار عدلى ينه بوراده
انعام ايدىر ، ليكن ناقصار نقصاتى . مظلومار فريادى فر داده
اظهار ايلر .

قلمه سلطانيله ابن الرحى

عليه